

唐
音
統
籤

戊籤餘三十五韋莊之二

唐音統籤卷

七百八十六

七言律詩一

下第題青龍寺僧房

千蹄萬轂一枝芳
要路無媒果自傷
題柱未期歸蜀國
曳裾何處謁吳王
馬嘶春陌金羈闊
鳥駐華林繡羽香
酒薄恨濃消不得
却將惆悵問支郎

號州澗東村居作

東南騎馬出郊坰
迴首寒煙滿郡城
清澗漲時翹鷺喜
綠桑踈處啼牛鳴
兒童見少生于客
奴僕驕多倨似兄
試望家田還自適
滿畦秋水稻苗平

尹喜宅

荒原秋殿柏蕭蕭何代風煙占寂寥紫氣已隨仙
仗去白雲空向帝鄉消濛濛暮雨春雞唱漠漠寒
蕪雪兔跳音條欲問靈蹤無處所十洲空濶閩山遥

途中望雨懷歸

滿空寒雨漫霏霏去路雲深鎖翠微牧豎遠當煙
草立饑禽閒傍渚田飛誰家樹壓紅榴折幾處籬
懸白菌肥對此不堪鄉外思荷蓑過羨釣人歸

柳谷道中作却寄

馬前紅葉正紛紛馬上離情斷殺

一作欲斷魂曉發獨

辭殘月店暮程遙宿隔雲村心如嶽色留秦地夢
逐河聲出禹門莫恠苦吟鞭拂地有誰傾蓋待王
孫

灞陵道中作

春橋望望水溶溶一桁晴山側碧峰秦苑落花零
露濕灞陵新酒撥醅濃青龍天矯盤雙闕丹鳳雛
從隔九重萬古行人離別地不堪吟罷夕陽鍾

秋日早行

上馬蕭蕭襟袖涼路穿禾黍繞官牆半山殘月露
華冷一岸野風蓮萼香煙外驛樓紅隱隱渚邊雲

樹暗蒼蒼行人自是心如火
兔走烏飛不覺長

歎落花

一夜霏微露濕煙曉來和淚喪嬋娟
不隨殘雪埋芳草盡逐香風上舞筵
西子去時遺笑靨謝娥行處落金鈿
飄紅墮白堪惆悵少別穠華又隔年

宮怨

一辭同輦閉昭陽耿耿寒宵禁漏長
釵上翠禽應不返鏡中紅豔豈重芳
螢低夜色棲瑤草水咽秋聲傍粉牆
展轉令人思蜀賦解將惆悵感君王

關河道中

槐陌蟬聲柳市風驛樓高倚夕陽東往來千里路
長在聚散十年人不同但見時光流似箭豈知天
道曲如弓平生志業匡堯舜又擬滄浪學一作釣
翁

題盤豆驛水館後軒

極目晴川展畫屏地從桃塞接蒲城灘頭鷺占清
波立原上人侵落照耕去雁數行天際沒孤雲一
點淨中生憑軒盡日不迴首楚水吳山無限情

對雪獻薛常侍

瑤林瑤樹忽珊珊急帶西風下晚天皓鶴襍飛

不辨玉山重叠凍相連松裝粉穗臨窓亞水結冰
錐簇溜懸門外寒光利如劍莫推紅袖訴金船

題裴端公郊居

暫隨紅旆佐藩方高跡終朝卧故鄉已近水聲開
澗戶更侵山色架書堂蒲生岸脚青刀利柳拂波
心綠帶長莫奪野人樵牧興白雲不識繡衣郎

貴公子

大道青樓御苑東玉欄仙杏壓枝紅金鈴犬吠梧
桐院朱鬣馬嘶楊柳風流水帶花穿巷陌夕陽和
樹入簾櫳瑶池宴罷歸來醉笑說君王在月宮

聽趙秀才彈琴

滿匣冰泉咽又鳴，玉音閒澹入神清。
巫山夜雨絃中起，湘水清波指下生。
蜂簇野花吟細韻，蟬移高柳送殘聲。
不須更奏幽蘭曲，卓氏門前月正明。

觀獵

苑牆東畔欲斜暉，傍苑穿花兔正肥。
公子喜逢朝罷日，將軍誇換戰時衣。
鶻翻錦翅雲中落，犬帶金鈴草上飛。
直到四郊高鳥盡，掉鞍齊向國門歸。

三堂東湖作

滿塘秋水碧泓澄，十畝菱花晚鏡清。
影動新橋橫

月音和卷
蝦蟆岸鋪芳草睡鳩鵲蟾投夜魄當湖落嶽倒秋
蓮入浪生何處醉添詩客興黃昏煙雨亂蛙聲

放勝日作

一聲天鼓闢金扉三十仙材上翠微
葛水霧中龍乍變緱山煙外鶴初飛
鄒陽暖豔催花發太皞春光簇馬歸
迴首便辭塵土世彩雲新換六銖衣

寄薛先輩

懸知迴日綵衣榮仙籍高標第一名
瑤樹帶風侵物冷玉山和雨射人清
龍翻瀚海波濤壯鶴出金籠燕雀驚
不說文章與門地自然毛骨是公卿

訪含弘山僧不遇留題精舍

滿院桐花鳥雀喧寂寥芳草茂芊芊
吾師正遇歸山日閒客空題到寺年
池竹閉門教鶴守琴書開篋任僧傳
人間不自尋行跡一片孤雲在碧天

寄從兄遵

江上秋風正釣鱸九重天子夢慈寧
不將高卧邀劉主自吐清談護漢儲
滄海十年龍影斷碧雲千里雁行疎
相逢莫話歸山計明日東封一作待直風

廬

登漢高廟閒眺

獨尋仙徑上高原雲雨深藏古帝壇天畔晚峰青
簇簇檻前春樹碧團團參差郭外樓臺小斷續風
中鼓角殘一帶遠光何處水釣舟閒繫夕陽灘

耒陽縣浮山神廟

一郡皆傳此廟靈廟前松桂古今青山曾堯代浮
洪水地有唐臣莫綠醺遶坐香風吹寶蓋傍簷煙
雨濕巖扃爲霖自可成農歲何用興師遠伐邢

三堂早春

獨倚危樓四望遙杏花春陌馬聲驕池邊冰刃暖
初落山上雪稜寒未銷谿送綠波穿郡宅日移紅

影度村橋主人年少多情味笑換金龜解珥貂

贈雲陽縣裴明府

庚子年冬大
駕幸蜀後作

南北三年一解攜海爲深谷岸爲蹊已聞陳勝心
降漢誰爲田橫國號齊暴客至今猶戰鶴故人何
處尚驅雞歸來能作煙波伴我有漁舟在五溪

咸通

咸通時代物情奢歡殺金張許史家破產競留天
上樂鑄山爭買洞中花諸郎宴罷銀燈合仙子遊
廻壁月斜人意似知今日事急催絃管送年華

夜景

滿庭松桂雨餘天
宋玉秋聲韻蜀弦
烏兔不知多事世
星辰長似太平年
誰家一笛吹殘暑
何處雙砧擣暮煙
欲把傷心問明月
素娥無語淚娟娟

長年

長年方悟少年非
人道新詩勝舊詩
十畝野塘留客釣
一軒春雨對僧棋
花間醉任黃鶯說
亭上吟
從白鷺窺大盜
不將爐冶去有心
重築太平基

辛丑年

九衢漂杵已成川
塞上黃雲戰馬閒
但有羸兵填渭水
更無奇士出商山
田園已沒紅塵裏
弟妹相

逢白刃間西望翠華殊未返淚痕空濕劍文斑

思歸

暖絲無力自悠揚牽引東風斷客腸外地見花終

寂寞異鄉聞樂更淒涼

一作剩悲涼

紅垂野岸櫻還熟

綠染迴汀草又芳舊里若爲歸去好子期凋謝呂
安亡

憶昔

昔年曾向五陵遊午夜清歌月滿樓銀燭樹前長
似畫露桃花下不知秋西園公子名無忌南園佳
人字莫愁今日亂離俱是夢夕陽唯見水東流

集本

子夜歌清今作午夜清歌花裏作花下
號莫愁作字莫愁相傳李于鱗所訂

宿泊孟津寄三堂友人

解纜西征未有期
槐花又逼桂花時
鴻臚陌上歸耕晚
金馬門前獻賦遲
只恐愁苗生兩鬢
不堪離恨入雙眉
分明昨夜南池夢
還把漁竿詠楚詞

天井關

人行山上雲深處
誰向雲中築女牆
短綆詎能垂玉甃
繚垣何用學金湯
斷開嵐翠爲高壘
截斷雲霞作巨防
守吏不教飛鳥過
赤眉何路到吾鄉

贈邊將

昔因征遠向金微馬出榆關一鳥飛
萬里只攜孤劍去十年空逐塞鴻歸
手招都護新降虜身著文皇舊賜衣
只待煙塵報天子滿頭霜雪爲兵機

壯心無事
別無機

春日

忽覺東風

一作君

景漸遲野梅山杏暗芳菲落星樓

上吹殘角偃月營中掛夕暉旅夢亂隨蝴蝶散離

魂

作情

漸逐杜鵑飛紅塵遮

一作望

斷長安陌芳草

王孫暮不歸

早秋夜作

翠簾初清暑半銷
撇簾松韻送輕颿
莎庭露永琴書潤
山郭月明砧杵遙
傍砌綠苔鳴蟋蟀
遶簷紅樹織蠨蛸
不須更作悲秋賦
王粲辭家鬢已凋

又聞湖南荆渚相次陷賊

幾時聞唱凱旋歌
處處屯兵未倒戈
天子只憑紅旆壯
將軍空恃紫髯多
屍填漢水連荆阜
血染湘雲接楚波
莫問流離南越事
戰餘空有舊山河

家叔南游却歸因獻賀

繚繞江南一歲歸
歸來行色滿戎衣
長開鳳詔徵兵急
何事龍韜獻捷稀
旅夢遠依湘水濶
離魂空

伴越禽飛遙知倚棹思家處澤國煙深暮雨微

洛陽吟

時大駕在蜀巢寇未平洛中寓居作

萬戶千門夕照邊開元時節舊風煙官官試馬遊
三市舞女乘舟上九天胡騎北來空進主漢王西
去竟昇仙如今父老偏番涕不見承平四十年

過舊宅

華軒不見馬蕭蕭庭樹門人久寂寥朱檻翠樓爲
卜肆玉欄仙杏作春樵
舊雨落鴛鴦瓦竹裏苔
封蟬螻橋莫問此中銷歇事娟娟紅淚泣芭蕉

喻東軍

四年龍馭守峨嵋
鶴駕西來步步遲
五運未教移漢鼎
六韜何必待秦師
幾時鸞鳳歸丹闕
到處烏鵲從白旗
獨把一樽和淚洒
隔雲遙奠武侯祠

清河縣樓作

有客微吟獨凭樓
碧雲紅樹不勝愁
盤鵬迥印天心沒
遠水斜牽日脚流
千里戰塵連上苑
九江歸路隔東周
故人此地揚帆去
何處相思雪滿頭

北原閒眺

春城廻首樹重重
立馬平原夕照中
五鳳灰殘金翠滅
六龍游去市朝空
千年王氣浮清洛
萬古坤

靈鎮碧嵩欲問向來陵谷事野桃無語淚花紅

贈戍兵

漢皇無事暫遊汾底處狐狸嘯作羣夜指碧天占
晉分曉磨孤劍望秦雲紅旌不卷風長急畫角閒
吹日又曛止竟有征須有戰洛陽何用久屯軍

觀軍廻戈

關中群盜已心離關外猶聞羽檄飛御苑綠莎嘶
戰馬禁城寒月擣征衣漫教韓信兵塗地不及劉
琨解圍昨日屯軍還夜遁滿車空載洛神歸

中渡晚眺

魏王堤畔草如煙有客傷晉獨扣舷妖氣欲昏唐
社稷夕陽空照漢山川千重碧樹籠春苑萬里紅
霞襯碧天家寄杜陵歸不得一迴回首一潸然

河內別村業閒題

阮氏清風竹巷深滿谿松竹似山陰門當谷路多
樵客地帶河聲足水禽閒伴爾曹雖適意靜思吾
道好霑襟鄰翁莫問傷晉事一曲高歌夕照沈

聞官軍繼至未覩凱旋

嫖姚何日破重圍秋草深來戰馬肥已有孔明傳
將略更聞王導得神機陣前鼙鼓晴應響城上烏

鴛鴦飽不飛何事小臣偏注目帝鄉遙羨白雲歸

和集賢侯學士分司丁侍御秋日雨霽之作
洛岸秋晴夕照長鳳樓龍闕倚清光玉泉山淨雲
初散金谷樹多風正涼席上客知蓬島路座中寒
有栢臺霜多慙十載遊梁士却伴賓鴻入帝鄉

題安定張使君

羈度風標今出塵桂宮何負一枝新成丹始見金
無滓衝斗方知劍有神憤氣不銷頭上雪政聲空
布海邊春中興若繼開元事堪向龍池作近臣

洛北村居

十畝松篁百畝田歸來方屬大兵年巖邊石室低
臨水雲外嵐峰半入天鳥勢去投金谷樹鐘聲遙
出上陽煙無人說得中興事獨倚斜暉憶仲宣

對梨花贈皇甫秀才

林上梨花雪壓枝獨攀瓊豔不勝悲依前此地逢
君處還是去年今日時且戀殘陽留綺席莫推紅
袖訴金卮騰騰戰鼓正多事須信明朝難重持

立春

青帝東來日馭遲暖煙輕逐曉風吹麝袍公子樽
前覺錦帳佳人夢裏知雪圃乍開紅菜甲綵幡新

翦綠楊絲殷勤爲作宜春曲題向花牋帖繡楣

題潁源廟

曾是梁山棲隱地百川唯說潁源清微波乍向雲
根吐去浪遙衝雪嶂橫萬木倚簷疎幹直羣峰當
戶曉嵐晴臨川試問堯年事猶被封人勸濯纓

東遊還歸

扣角千名計已疎劍歌休恨食無魚辭家柳絮三
春半臨路槐花七月初江上欲尋漁父醉日邊時
得故人書青雲不識揚生面天子何由問子虛

新正日商南道中作寄李明府

相看又見歲華新
依舊楊朱拭淚巾
踏雪偶因尋戴客
論文還比聚星人
嵩山不改千年色
洛邑長生一路塵
今日與君同避世
却憐無事是家貧

上元縣

浙西作

南朝三十六英雄
角逐興亡盡此中
有國有家皆是夢
爲龍爲虎亦成空
殘花舊宅悲江令
落日青山弔謝公
止竟霸圖何物在
石麟無主臥秋風

江上逢史館李學士

前年分袂陝城西
醉凭征軒日欲低
去浪指期魚必變
出門廻首馬空嘶
關河自此爲征壘
城闕于

今陷戰輦

時巢寇未平

誰謂世途陵是谷燕來還識舊

巢泥

謁蔣帝廟

建業城邊蔣帝祠素髯青骨舊風姿江聲似激秦
軍破山勢如匡晉祚危殘雪嶺頭明組練晚霞簷
外簇旌旗金陵客路方流落空祝迴鑾奠酒卮

聞再幸梁洋

纔喜中原息戰輦又聞天子幸巴西延燒魏闕非
關燕大狩陳倉不爲雞興慶玉龍寒自躍昭陵石
馬夜空嘶遙思萬里行宮夢太白山前月欲低

王道者

五雲遙指海中央
金鼎曾傳肘後方
三島路岐空有月
十洲花木不知霜
因攜竹杖聞龍氣
爲使童童帶橘香
應笑我曹身是夢
白頭猶自學詩狂

陪金陵府相中堂夜宴

滿耳笙歌滿眼花
滿樓珠翠勝吳娃
因知海上神仙窟
只似人間富貴家
繡戶夜攢紅燭市
舞衣晴曳碧天霞
却愁宴罷青蛾散
楊子江頭月半斜

和侯秀才同友生泛舟谿中相招之作

嵇阮相將棹酒船
晚風侵浪水侵舷
輕如控鯉初

離岸遠似乘槎欲上天
雨外鳥歸吳苑樹
鏡中人入洞庭煙
憑君不用迴舟疾
今夜西江月正圓

代書寄馬

驅馳曾在五侯家
見說初生自渥洼
鬃白似披梁苑雪
頸肥如撲杏園花
休嫌綠綬嘶貧舍
好着紅纓入使衙
穩上雲衢十萬里
年年長踏魏堤沙

題淮陰侯廟

滿把

一作把

椒漿奠楚祠
碧幢黃鉞舊英威
能扶漢

代成王業
忍見唐民陷戰機
雲夢去時高鳥盡
淮陰歸日故人稀
如何不惜平齊策
空看長星落賊

圖

觀浙西府相畋遊

十里旌旗十萬兵等閒遊獵出軍城
紫袍日照金鷺關紅旆風吹畫虎
獐帶箭彩禽雲外落避鵬寒
兔月中歸鷺來一路笙歌滿更有仙娥載酒迎

題姑蘇凌處士莊

一簇林亭返照間門當官道不曾關
花深遠岸黃鶯鬧雨急春塘白鷺閒
載酒客尋吳苑寺倚樓僧看洞庭山
恁來話得仙中事新有人從物外還

贈漁翁

草衣荷笠鬢如霜
自說家編楚水陽
滿岸秋風吹
枳橘遶陂煙
雨霰菰蔣蘆
刀夜鱸紅鱗
膩木甌朝
蒸紫芋香
曾向五湖期
范蠡爾來空
濶久相忘

過揚州

當年人未識
兵戈處處青
樓夜夜歌
花發洞中春
日永月明衣
上好風多淮
王去後無
雞犬煬帝歸
來葬綺羅
二十四橋空
寂寂綠楊摧
折舊官河

寄右省李起居

已向鴛行接鴈行
便應雙拜紫薇郎
纔聞闕下徵
書急已覺回
朝草詔忙
白馬似憐朱
紱貴綵衣遙

香齋新集
卷之五
七
惹御爐香多慙十載遊梁客未換青襟侍素王

酬吳秀才雪川相送

一葉南浮去似飛楚鄉雲水本無依
離心不忍聞春鳥病眼何堪送落暉
慘袂客從花下散棹舟人向鏡中歸
夫君別我應惆悵十五年來識素衣

對雨獨酌

榴花新釀綠于苔對雨閒傾滿滿盃
荷鍾醉翁真達者卧雲逋客竟悠哉
能詩豈是經時策愛酒元非命世才
門外綠蘿連洞口馬嘶應是步兵來

戊籤餘三十五韋莊之三 唐音統籤卷十七

七言律詩二

夏初與候補闕江南有約同泛淮汴西赴行
朝莊自九驛路先至角橋補闕由淮楚續至
泗上寢病旬日遽聞捐館迴首悲慟因成長

句四韻弔之

已後自浙西游汴宋路至陳倉
迎駕却過昭義相州路歸金陵

作

本約同來謁帝閭忽隨川浪去東奔九重聖主方
虛席千里高堂尚倚門世德只應榮伯仲時名終
自付兒孫遙憐月落清淮上寂寞何人弔旅魂

汴堤行

欲上隋堤舉步遲，隔雲烽燧叫非時。
纔聞破虜將休馬，又道征遼再出師。
朝見西來爲過客，暮看東去作浮屍。
綠楊千里無飛鳥，日落空投舊店基。

自孟津舟西上雨中作

秋煙漠漠雨濛濛，不卷征帆任晚風。
百口寄安滄海上，一身逃難綠林中。
來時楚岸楊花白，去日隋堤蓼穗紅。
却到故園翻似客，歸心迢遞秣陵東。

過內黃縣

相州吹角欲斜陽，匹馬搖鞭宿內黃。
僻縣不容投

刺客野陂時遇射鵬郎雲中粉堞新城壘店後荒
郊舊戰場猶指去程千萬里秣陵煙樹在何鄉

雜感

莫悲建業荆榛滿昔日繁華是帝京莫愛廣陵臺
榭好也曾蕪沒作荒城魚龍鼉馬皆如夢風月煙
花豈有情行客不勞頻悵望古來朝市歎衰榮

江上題所居

時在婺州作

故人相別盡朝天苦竹江頭獨閉關落日亂蟬蕭
帝寺碧雲歸鳥謝家山青州從事來偏熟泉布先
生老漸慳不是對花長酩酊永嘉時代不如閒

婺州屏居蒙右省王拾遺車枉降訪病中延
候不得因成寄謝

三年流落卧漳濱
王粲思家拭淚頻
畫角莫吹殘
月夜病心方憶故園春
自爲江上樵蘇客
不識天
邊侍從臣
惟得白鷗驚去盡
綠蘿門外有朱輪
將卜蘭芷村居留別郡
中在仕人

蘭芷江頭寄斷蓬
移家空載一帆風
伯倫嗜酒還
因亂平子歸田不爲窮
避世漂零人境外
結茅依
約畫屏中
從今隱去應難覓
深入蘆花作釣翁
和陸諫議避地寄東陽進退未決見寄大人

啞

銅儀

銅儀一夜變葭灰
暖律還吹嶺上梅
已喜漢宮今再睹
更驚堯曆又重開
窗中遠岫青如黛
門外長江綠似苔
誰念閉關張仲蔚
滿庭春雨長蒿萊

含香

含香高步已難陪
鶴到清霄勢未迴
遇物旋添芳草句
逢春寧滯碧雲才
微紅幾處花心吐
嫩綠誰家柳眼開
却去金鑾爲近侍
便辭鷗鳥不歸來

春雲

春雲春水兩溶溶倚郭樓臺晚翠濃山好只因人
化石地靈曾有劍爲龍官辭鳳闕頻經歲家住峨
嵋第幾峰王粲不知多少恨夕陽吟斷一聲鐘

雲散

雲散天邊落照和開關春樹鳥聲多劉伶避世唯
沈醉甯戚傷時亦浩歌已恨歲華添皎鏡更悲人
事逐顏波青雲自有鷁鴻待莫說他山好薜蘿

袁州作

家家生計只琴書一郡清風似魯儒山色東南連
紫府水聲西北屬洪都煙霞盡入新詩卷郭邑閒

開古畫圖正是江村春酒熟更聞春鳥勸提壺

題袁州謝秀才所居

主人年少已能詩更有松軒挂夕暉芳艸似袍連
徑合白雲如鳥傍簷飛但將竹葉消春恨莫遣楊
花上客衣若有前山好煙雨與君吟到暝鐘歸

謁巫山廟

亂猿啼處訪高唐路入煙霞艸木香山色未能忘
宋玉水聲猶似哭襄王朝朝暮暮陽臺下爲雨爲
雲楚國亡惆悵廟前無限一作多少柳春來空闕畫眉
長

鷓鴣

南禽無侶似相依
錦翅雙雙傍馬飛
孤竹廟前啼暮雨
汨羅祠畔弔殘暉
秦人只解歌爲曲
越女空能畫作衣
懊惱澤家非有恨
年年長憶鳳城歸

澤家鷓鴣青

送李秀才歸荆溪

八月中秋月正圓
送君吟上木蘭船
人言格調勝玄度
我愛篇章敵浪仙
晚渡去時衝細雨
夜灘何處宿寒煙
楚王宮去陽臺近
莫倚風流滯少年

洪州送西明寺省上人遊福建

記得初騎竹馬年，送師來往御溝邊。
荆榛已失當時路，槐柳全無舊日煙。
遠自嵇山遊楚澤，又從廬岳去閩川。
新春闕下應相見，紅杏花中覓酒仙。

泛鄱陽湖

四顧無邊鳥不飛，大波驚隔楚山微。
紛紛雨外靈均過，瑟瑟雲中帝子歸。
迸鯉似梭投遠浪，小舟如葉傍斜暉。
鴟夷去後何人到，愛者雖多見者稀。

黃藤山下聞猿

黃藤山下駐歸程，一夜號猿弔旅情。
入耳便能生百恨，斷腸何必待三聲。
穿雲宿處人難見，望月啼

時亮正明好笑五陵年少客壯心無事也沾纓

章江作

杜陵歸客正徘徊玉笛誰家叫落梅之子棹從天
外去故人書自日邊來楊花慢惹霏霏雨竹葉傾
傾滿滿杯欲問維揚一作旌揚舊風月一江紅樹亂猿
啼

饒州餘干縣琵琶洲有故韓賓客宣城裴尚
書修行李侍郎舊居遺址猶存客有過之感
舊因以和吟

琵琶洲近斗牛星鸞鳳曾於此放情已覺地靈因

鼎降更聞川媚有殊生一離紅樹留佳氣萬古清
絃續正聲戟戶盡移天上去聖人空說舊簪纓

九江逢盧員外

前年風月宿琴堂大媚仙山近帝鄉別後幾沾新
雨露亂來猶記舊篇章陶潛豈是銅符吏田鳳終
爲錦帳郎莫怪相逢倍惆悵九江煙月似瀟湘

南昌晚眺

南昌城郭枕江煙章水悠悠浪拍

一作接

天芳草綠

遮仙尉宅落霞紅觀賈人船霏霏閣上千山雨噫
噫雲中萬樹蟬怪得地多章句客庾家樓在斗牛

湘中作

千重煙樹萬重波，因便何妨弔汨羅。
楚地不知秦地亂，南人空怪北人多。
臣心未肯教遷鼎，天道還應欲止戈。
否去泰來終可待，夜寒休唱飯牛歌。

桐廬縣作

錢塘江盡到桐廬，水碧山青畫不如。
白羽鳥飛嚴子瀨，綠蓑人釣華鰲魚。
潭心倒影人開合，谷口閒雲自卷舒。
此境只因詞客愛，投文空弔木玄虛。

東陽贈別

繡袍公子出旌旗送我搖鞭入翠微
大抵行人難訴酒就中辭客易沾衣
去時此地題橋去歸日何年佩印歸
無限別情言不得回看谿柳恨依依

寄湖州舍弟

半年江上愴離襟把得新詩喜又吟
多病似逢秦氏藥久貧如得顧家金
雲煙但有穿楊志塵土都無作吏心
何況別來詞轉麗不愁明代少知音

東林寺再遇僧益大德

兄師初事懿皇朝三殿歸來白馬驕
上講每教傾國聽承恩偏得內官饒
當時可愛人如畫今日相

逢鬢已凋若向君門逢舊友爲傳音信到雲霄

西塞山下作

西塞山前水似藍亂雲如絮滿澄潭孤峰漸暎湓
城北片月斜生夢澤南爨動曉煙烹紫鱖露和香
蒂摘黃柑他年却棹扁舟去終傍蘆花結一菴

夏口行寄婺州諸弟

迴頭煙樹各天涯婺女星邊遠寄家盡眼楚波連
夢澤滿衣春雪落江花雙雙得伴爭如雁一一歸
巢却羨鷓鴣誰道我隨張博望悠悠空外泛仙槎

南省伴直

甲寅年自江南到京後作

文昌二十四仙曹盡倚紅簷種露桃一洞煙霞人
迹少六行槐柳鳥聲高星分夜彩寒侵帳蘭蕊春
風綠暎袍何事愛留詩客宿滿庭風雨竹蕭騷

鄧杜舊居二首

却到山陽事事非谷雲谿鳥尚相依阮咸貧去田
園盡向秀歸來父老稀秋雨幾家紅稻熟野塘何
處錦鱗肥年年爲獻東堂策長是蘆花別釣磯
一徑尋村渡碧谿稻花香澤水千畦雲中寺遠磬
難識竹裏巢深鳥易迷紫菊亂開連井合紅榴初
綻拂簷低歸來滿把如渾酒何用傷時歎鳳兮

投寄舊知

却將顛顚入都門自喜煙霄人故人萬里有家留
百越十年無路到三秦摧殘不是當時貌流落空
餘舊日貧多謝青雲好知己莫教歸去重沾巾

題汧陽縣馬跑泉李學士別業

水滿寒塘菊滿籬籬邊無限彩禽飛西園夜雨紅
櫻熟南畝秋風白稻肥草色自留閒客住泉聲如
待主人歸九霄岐路忙於火肯戀斜陽守釣磯

絳州過夏留獻鄭尚書

朝朝沉醉引金船不覺西風滿樹蟬光景暗消銀

燭下夢魂長寄玉輪邊因循每被時流誚舊髻須
由國士憐明日客腸何處斷綠槐一作楊風裏獨揚
鞭

綏州作

雕陰無樹水南流雉堞連雲古帝州帝雨晚馳鳴
遠戍望鄉孤客倚高樓明妃去日花應笑蔡琰歸
時鬢已秋一曲單于暮烽起扶蘇城上月如鉤

與東吳生相遇

及第後
出關作

十年身事

一作世

各如萍白首相逢淚滿纓老去不

知花有態亂來唯覺酒多情貧疑陋巷春偏少貴

想豪家月最明且

一作獨

對一罇開笑口未衰應見

泰階平

庭前桃

曾向桃源爛漫遊也同漁父泛仙舟皆言洞裏千
株好未勝庭前一樹幽帶露似垂湘女淚無言如
伴息嬌愁五陵公子饒春恨莫引香風上酒樓

鄜州留別張員外

江南相送君山下塞北相逢相幕中三楚故人皆
是夢十年陳事只如風莫言身世他時異且喜琴
樽數日同惆悵却愁明日別馬嘶山店雨濛濛

病中聞相府夜宴戲贈集賢盧學士

滿筵紅蠟照香鈿
一夜歌鍾欲沸天花裏
亂飛金錯落月中爭認繡連乾
罇前莫話詩三百
醉後寧辭酒十千
無那兩三新進士
風流長得飲徒憐

出關

馬嘶煙岸柳陰斜東去

一作回首

關山路轉賒到處因

循緣嗜酒一生惆悵爲判花
危時祇合身無著
白日那堪事有涯
正是灞陵春耐綠
仲宣何事獨辭家

過樊川舊居

時在華州駕前奉使入蜀作

却到樊川訪舊遊
夕陽衰草杜陵秋
應劉去後苔生閣
嵇阮歸來雪滿頭
能說亂離唯有燕
解偷閒暇不如鷗
千桑萬海無人見
橫笛一聲空淚流

過漢陂懷舊

辛勤曾寄玉峰前
一別雲溪二十年
三徑荒涼迷竹樹
四鄰凋謝變桑田
漢陂可是當時事
紫閣空餘舊日煙
多少亂離無處問
夕陽吟罷涕潸然

汧陽縣閣

汧水悠悠去似絳
遠山如畫翠眉橫
僧尋野渡歸吳嶽
雁帶斜陽入渭城
邊靜不收蕃帳
馬地貧唯

賣隴山鸚牧童何處吹羌笛一曲梅花出塞聲

戊籤餘三十五韋莊之四

唐音統籤卷

七百八十八

七言律詩三

補遺

邊上逢薛秀才話舊

前年同醉武陵亭絕倒閒譚坐到明也有絳唇歌
白雪更憐紅袖奪金觥秦雲一散如春夢楚市千
燒作故城今日幡然對芳草不勝東望涕交橫

和人春莫書事寄崔秀才

半掩朱門白日長晚風輕墮落梅粧不知芳草情
何恨只怪遊人思易傷纔見早春鶯出谷已驚新
夏鶯巢梁相逢只賴如澠酒一曲狂歌入醉鄉

唐音統籤

卷七百八十八

戊

使院黃葵花

薄粧新着澹黃衣對捧金爐侍醺遲向月似矜傾
國貌倚風如唱步虛詞乍開檀炷疑聞語試與雲
和必解吹爲報同人看來好不禁秋露卽離披

咸陽懷古

城邊人倚夕陽樓城上雲凝萬古愁山色不知秦
苑廢水聲空傍漢宮流李斯不向倉中悟一作徐
福應無物外遊莫惟楚吟偏斷骨野煙蹤跡似東

周

和同年韋學士華下途中見寄

綠楊城郭雨淒淒，過盡千輪與萬蹄。
送我獨遊三蜀路，羨君新上九霄梯。
馬驚門外山如活，花笑尊前客似泥。
正是清和好時節，不堪離恨劍門西。

江臯贈別

金管多情恨解攜，一聲歌罷客如泥。
江亭繫馬綠楊短，野岸維舟春草齊。
帝子夢蒐煙水闊，謝公詩思碧雲低。
風前不用頻揮手，我有家山白日西。

奉和左司郎中春物暗度感而成章

纔喜新春已莫春，夕陽吟殺倚樓人。
錦江風散霏霏雨，花市香飄漠漠塵。
今日尚追巫峽夢，少年應

遇洛川神有時自患多情病莫是生前宋玉身

奉和觀察郎中春莫憶花言懷兄寄四韻之

什

天畔蛾眉簇簇青楚雲何處隔重扃落花帶雪埋
芳草春雨和風濕畫屏對酒莫辭衝暮角望鄉誰
解倚高亭惟君信我多惆悵只願陶陶不願醒

傷灼灼

灼灼蜀之麗人也近聞貧且老俎
落于成都酒市中因以四韻弔之

嘗聞灼灼麗于花雲髻盤時未破瓜桃臉粲長橫
綠水玉肌香膩透紅紗多情不住神仙界薄命曾
嫌富貴家流落錦江無處問斷魂飛作碧天霞

漢州

北僊初到漢州城郭邑樓臺觸目驚松桂影中旌
旆色菱荷風裏管絃聲人心不似經離亂時運還
應却太平十日醉眠金雁驛臨岐無恨臉波橫

長安清明

早是傷春夢雨天可堪芳草更芊芊內官初賜清
明火上相閒分萬花谷作關分白打錢紫陌亂嘶紅叱撥
綠楊高映畫鞦韆遊人記得承平事暗喜風光似

昔年

悼亡姬三首

鳳去鸞歸不可尋
十洲仙路彩雲深
若無少女花
魁老爲有姮娥月
易沉竹葉豈能消
積恨丁香空
解結同心湘江水
濶蒼梧遠何處
相思弄舜琴

默默無言惻惻悲
閒吟獨傍菊花籬
只今已作經年別
此後知爲幾歲期
開篋每尋遺念物
倚樓空綴悼亡詩
夜來孤枕空腸斷
窓月斜輝夢覺時
六七年來春又秋
也同歡笑也同愁
纔聞及第心先喜
試說求婚淚便流
幾爲姮來頻歛黛
每思閒事不梳頭
如今悔恨將何益
腸斷千休與萬休

下邳感舊

太平廣記云
莊初時常在華澤下
邳縣僑居多與鄰
巷諸兒會戲及

廣明亂後再經舊里追思往事
但有遺蹤因以記之

昔爲童稚不知愁竹馬閒乘遠縣遊
曾爲看花偷出郭也因逃學暫登樓
招他邑客來還醉僂得先生去始休
今日故人無處問夕陽衰草盡荒丘

塗次逢李氏兄弟感舊

御溝西面朱門宅記得當時好弟兄
曉傍柳陰騎竹馬夜隈燈影弄先生
巡街趁蝶衣裳破上屋探雛手脚輕
今日相逢俱老大憂家憂國盡公卿

龍潭

文苑英華作
幸應物誤

激石懸流雪滿灣九龍潛處野雲閒
欲行甘雨四

天下且隱澄潭一頃間
浪引浮槎依北岸
波分晚日見東山
垂髯儻遇穆王駕
閨苑周遊應未還
七言排律

冬日長安感志寄獻號州崔郎中二十韻

帝里無成久滯淹
別家三度見新蟾
郊訖丹桂無人指
阮籍青襟有淚霑
溪上却思雲滿屋
鏡中唯怕雪生髯
病如原憲誰能療
寒似劉楨豈用占
霧雨十年同隱遁
風雷何日振沈潛
吁嗟每汲更聲引
歌詠還因酒思添
客舍正甘愁寂寂
郡樓遙想醉厭厭
已聞鈴閣懸新詔
卽向綸闈副具瞻
濟物

便同川上楫慰心還似邑中黔觀星始覺中郎貴
問俗方知太守廉宅後綠波樓畫鷁馬前紅袖簇
彤檐閒招好客斟香蟻閒對瓊華詠撒鹽積凍漫
封寒雷細暮雲高拔遠峰尖訟堂無事水生砌水
榭高吟月透簾松下圍棋期褚胤筆頭飛箭薦陶
謙未知匣劍何時躍但看鉛刀不再銛雖有遠心
長擁篲耻將新劍學編苫纔驚素節移銅律又見
玄冥變玉籤百口似萍依廣岸一身如燕戀高簷
如今正困風波力更向人中間宋纖

癸丑年下第獻新先輩

甲寅年自江
到京後後作

五更殘月省牆邊絳旆蜺旌卓曉煙千炬火中鶯
出谷一聲鐘後鶴冲天皆乘駿馬先歸去一作手
獨被羈童笑晚眠對酒暫時情豁爾見花依舊涕
潸然未酬闕澤傭書債猶欠君平賣卜錢何事欲
休休不得來年公道似今年

五言絕句

春早

時大駕在蜀巢寇未平洛中高居作

聞鶯纔覺曉閉戶已知晴一帶窓間月斜穿枕上

生

一作

飲散呈主人

以下補遺

夢覺笙歌散空堂寂寞秋更聞城角弄煙雨不勝愁

卽事

亂世時偏促陰天日易昏無言搔白首憔悴倚東門

勉兒子

養爾逢多難常憂學已遲辟疆爲上相何必待從師

贈姬人

莫恨紅裙破休嫌白屋低請看京與洛誰在舊香

數年前看此不見其佳
至今乃知情景之真

戊籤三十五韋莊之五

唐音統籤卷

七百八十九

七言絕句

送日本僧敬龍歸

扶桑已在渺茫中家在扶桑東更東此去與師誰共到一舸明月一帆風

對酒

何用巖棲隱姓名一壺春耐可忘形伯倫若有長生術直應一作到如今醉未醒

古離別

晴煙漠漠柳絲垂不那離情酒半酣更把馬

一作玉

鞭雲外指斷腸春色在江南

寓言

黃金日日銷還鑄仙桂年年折又生
兔走鳥飛如未息路塵終見泰山平

登咸陽縣樓望雨

亂雲如獸出山前細雨和風滿渭川
盡日空濛無所見鴈行斜去字聯聯

驚秋

不向煙波狎釣舟強親文墨事儒丘
長安十二槐花陌曾負秋風多少秋

立春日作

庚子年冬大
駕幸蜀後作

九重天子去蒙塵，御柳無情依舊春。
今日不關妃妾事，始知辜負馬嵬人。

為楊妃吐氣

白櫻桃

萬首誤
收于新

王母堦前種幾株，水精簾外看如無。
只應漢武金盤上，瀉得珊珊白露珠。

合歡蓮花

虞舜南巡去不歸，二妃相誓死江湄。
空留萬古香魂在，結作雙葩合一枝。

寄江南逐客

二年音信阻湘潭
花下相思酒半酣
記得竹齋風雨夜
對牀孤枕話江南

冬夜

睡覺寒爐酒半消
客情鄉夢兩遙遙
無人爲我磨心劍
割斷愁腸一寸苗

楚行吟

章華臺下一作上草如煙
故郢城頭似絃惆悵楚

宮雲雨後露啼花
笑一年年

村笛

時大駕在蜀巢旆未平洛中寓居作

蕭韶九奏韻淒淒
曲度雖高調不傷
却見孤村明

月夜一聲牛笛斷人腸

題李斯傳

蜀魄湘魂萬古悲
未悲秦相死秦時
臨刑莫恨倉中鼠
上蔡東門去自遲

離筵訴酒

感君情重惜分離
送我慇懃酒滿卮
不是不能判酩酊
却憂前路醉醒時

題吉澗盧拾遺莊

主人西遊去不歸
滿谿春雨長春薇
恠來馬上詩

情好印

一作點

破青山白鷺飛

題許渾詩卷

江南才子許渾詩字字清新句句奇十斛明珠豈
不盡惠休虛作碧雲詞

贈禮佛名者

何用辛勤禮佛名我從無得到真庭尋思六祖傳
心印可是從來讀藏經

殘花

萬首誤
收于鄴

和煙和露雪離披

一作和煙和
雨太離披

金蘂紅鬚尚滿枝

十日笙歌一宵夢
苧蘿因雨失西施

一作煙雨
失西施

金陵圖

浙西
作

誰爲傷心畫不成
滿人心逐世人情
君看六幅南朝畫
朝事老木寒雲滿故城

贈野童

羨爾無知野性真
亂搔蓬髮笑看人
閒衝暮雨騎牛去
肯問中興社稷臣

官莊

江南富民悉以犯酒沒家產因以此詩諷之漸帥遂改酒法不入財產

誰氏園林一族煙
路人遙指盡長歎
桑田稻澤今無主
新犯香醪沒入官

解維

又解征帆落照中
暮程還過秣陵東
二年辛苦煙

波裏贏得風姿似釣翁

雨霽池上作呈侯學士

鹿巾藜杖葛衣輕
雨歇池邊晚吹清
正是如今江上好
白鱗紅稻紫蓴羹

江亭酒醒却寄維揚餞客

別筵人散酒初醒
江步黃昏雨雪零
滿坐綺羅皆不見
覺來紅燭背銀屏

臺城

江雨霏霏江草齊
六朝如夢鳥空啼
無情最是臺城柳
依舊煙籠十里堤

樟亭驛小櫻桃

當年此樹正花開五馬仙郎載酒來
李白已亡工部死何人堪伴玉山顏

旅次甬西見兒童以竹槍紙旗戲爲陣列主
人叟曰斯子也三代没于陣思所襲祖父讐
予因感之

已聞三世沒軍營又見兒孫學戰爭見爾此言堪
慟哭遣予何日望時平

含山店夢覺作

曾爲流離慣別家等閒揮袂客天涯
燈前一覺江

南夢惆悵起來山月斜

題貂黃嶺官亭

散騎蕭蕭下太行遠從吳會去陳倉
斜風細雨江亭上盡日凭欄憶楚鄉

垣縣山中尋李書記山居不遇留題河次店
白雲紅樹吮嶺東夕鳥羣飛古畫中
仙吏不知何處隱山南山北雨濛濛

送人游并汾

風雨蕭蕭欲暮秋獨攜孤劍塞垣遊
如今虜騎方南牧莫過陰關第一州

東陽酒家贈別二絕句

時在婺州作

送君同上酒家樓，
酩酊翻成一笑休。
正是落花饒恨處，
悵望醉鄉前路莫回頭。

天涯方歎異鄉身，
又向天涯別故人。
明日五更孤店月，
醉醒何處各霑巾。

江外思鄉

年年春日異鄉悲，
杜曲黃鸝可得知。
不似楊花無定處，
年年春色在天涯。
岸上斷腸煙柳，
絲絲

夢入關

夢中乘傳過關亭，
南望蓮峰簇錦屏。
馬上正吟歸

唐詩集
去好覺來江月滿前庭

送人歸上國

送君江上日西斜
泣向江邊滿樹花
若見青雲舊
相識爲言流落在天涯

聞春鳥

雲晴春鳥滿江村
還似長安舊日聞
紅杏花前應
笑我我今憔悴亦羞君

櫻桃樹

記得花開雪滿枝
和蜂和蝶帶花移
如今花落遊
蜂去空作主人惆悵詩

獨鶴

夕陽灘上立徘徊紅蓼風前雪翅開
應爲不知棲宿處幾迴飛去又飛來

新栽竹

寂寞堦前見此君遶欄吟罷却沾巾
異鄉流落誰相識唯有叢篁似主人

稻田

綠波春浪滿前陂極目連雲把酒肥
更被鷺鷥千點雪破煙來入畫屏飛

庭前菊

爲憶長安爛熳開我今移爾滿庭栽紅蘭莫笑青
青色曾向龍山泛酒來

燕來

去歲辭巢別近鄰今來空訝草堂新花間對語應
相問不是村中舊主人

倚柴關

策杖無言獨倚關如癡如醉又如閒孤吟盡日何
人會依約前山似故山

題七步廊

席門無計那殘陽更接簷前七步廊不羨東都盛

相宅每行吟得好篇章

語松竹

庭前芳草綠於袍堂上詩人欲二毛多病不禁秋
寂寞雨松風竹莫騷騷

江行西望

自三衢至江西作

西望長安白日遙半年無事駐蘭橈欲將張翰秋
江雨畫作屏風寄鮑昭

宿蓬船

夜來江雨宿蓬船卧聽淋鈴不忍眠却憶紫微情
調逸阻風中酒過年年

衢州江上別李秀才

千山紅樹萬山雲把酒相看日又曛
一曲離歌兩行淚更知何地再逢君

撫州江口雨中作

江上閒衝細雨行滿衣風灑綠荷聲
金騾掉尾橫鞭望猶指廬陵半日程

訪潯陽友人不遇

不見安期海上樓寂寥人對鷺鷥愁
蘆花雨急江煙暝何處潺潺獨棹舟

丙辰年鄜州遇寒食城外醉吟七言五首

及第

後世
翻作

滿街楊柳綠絲煙
畫出清明二月天
好是隔簾花樹動
女郎撩亂送鞦韆

雕陰寒食足遊人
金鳳羅衣濕麝薰
腸斷入城芳草路
淡紅香白一羣羣

開元坡下日初斜
拜掃歸來走鈿車
可惜數枝紅艷好
不知今夜落誰家

馬驕風疾玉鞭長
過去唯留一陣香
聞客不須燒破眼
好花皆屬富家郎

雨絲煙柳欲清明
金屋人閒煖鳳笙
永日一作晝迢迢

迢無一事隔街聞築

一作號

氣球聲

宜君縣北卜居不遂留題王秀才別墅二首
本期同此卧林丘
楫袖爐前擁布裘
何事却乘羸馬去
白雲紅樹不相留

明月嚴霜撲早貂
羨君高卧正逍遙
門前積雪深三尺
火滿紅爐酒滿瓢

長安舊里

時在華州駕前奉使入蜀作

滿目牆匡春草深
傷時傷事更傷心
車輪馬跡今何在

一作時盡

十二玉樓無處尋

焦崖閣

李白曾歌蜀道難長聞白日上青天今朝夜過焦
崖開始信星河在馬前

春愁

以下補遺

自有春愁正斷魂不堪芳草思王孫落花寂寂黃
昏雨深院無人獨倚門

搖落

搖落秋天酒易醒悽悽長是別離情黃昏倚柱不
歸去腸斷綠荷風雨聲

令狐亭

若非天上神仙宅須是人間將相家想得當時好

風月管絃吹殺後庭花

江上別李秀才

前年相送灞陵春
今日天涯各避秦
莫向尊前惜沈醉
與君俱是異鄉人

姬人養蠶

昔年愛笑蠶家婦
今日辛勤自養蠶
仍道不愁羅與綺
女郎初解織桑籃

長干塘別徐茂才

亂離時節別離輕
別酒應須滿滿傾
纔喜相逢又相送
有情爭得似無情

白牡丹

閨中莫妬新妝婦
陌上須慚傅粉郎
昨夜月明渾似水
入門唯覺一庭香

多情

萬首絕句
作古別離

一生風月供惆悵
到處煙花恨別離
止竟多情何處好
少年長抱長年悲

閨耕者

何代何王不戰爭
盡從離亂見清平
如今暴骨多於土
猶點鄉兵作戍兵

壺關道中作

處處兵戈路不通却從山北去江東
黃昏欲到壺關寨足馬寒嘶野草中

題酒家

酒綠花紅客愛詩落花春岸酒家旗
尋思避世爲逋客不醉長醒也是癡

殘花

江頭沉醉泥斜暉却向花前慟哭歸
惆悵一年春又去碧雲芳草兩依依

寄舍弟

每吟富貴他人合不覺洗瀾又濕衣
萬里日邊鄉

樹遠何年何路得同歸

僕者楊金

半年辛苦葺荒居不獨單寒腹亦虛
努力且爲田舍客他年爲爾覓金魚

春陌二首

滿街芳艸卓香車仙子門前白日斜
腸斷東風各回首一枝春雪凍梅花

嫩煙輕染柳絲黃勾引花枝笑凭牆
馬上王孫莫回首好風偏逐羽林郎

中酒

南鄰酒熟愛相招
蘸甲傾來綠滿瓢
一醉不知三
日事
任他童穉作漁樵

暴雨

江村入夏多雷雨
曉作狂霖晚又晴
波浪不知深幾許
南湖今與北湖平

晏起

爾來中酒起常遲
卧看南山改舊詩
開戶日高春寂寂
數聲啼鳥上花枝

幽居春思

綠映紅藏江上村
一聲雞犬似仙源
閉門盡日無

人到翠羽春禽滿屋梁

思歸引

越鳥南翔鴈北飛兩鄉雲路各言歸如何我是飄
飄者獨向江頭戀釣磯

與小女

見人初解語嘔啞不肯歸眠戀小車一夜嬌啼緣
底事爲嫌衣少縷金花

虎跡

白額頻頻夜到門水邊蹤跡漸成群我今避世棲
巖穴巖穴如何又見君

買酒不得

停樽待爾怪來遲
手挈空罇罷歸滿
面春愁消不得
更看溪鷺寂寥飛

得故人書

正向溪頭自采蘇
青雲忽得故人書
殷勤問我歸來否
雙闕而今畫不如

洪州送僧遊福建

八月風波似鼓鼙
可堪波上各東西
殷勤早作歸來計
莫戀猿聲住建溪

聞回戈軍

上將鏖兵又去旋翠華巡幸已三年營中不用栽
楊柳願戴儒冠爲控弦

南鄰公子

南鄰公子夜歸聲數炬銀燈隔竹明醉凭馬鬃扶
不起更邀紅袖出門迎

憶小女銀娘

睦州江上水門西蕩漿揚帆各解攜今日天涯夜
深坐斷腸偏憶阿銀犂

女僕阿汪

念爾辛勤歲已深亂離相失又相尋他年待我門

如市報爾千金與萬金

河清縣河亭

由來多感莫憑高
竟日衷腸似有刀
人事任成陵
與谷大河東去自滔滔

鍾陵夜闌作

鍾陵風雪夜將深
坐對寒江獨苦吟
流落天涯誰
見問少卿應識子卿心

句

印將金鎖鎖簾用玉鈎鈎

北夢瑣言云杜荀鶴嘗吟一聯詩云舊衣風絮

絮新酒竹筍筍或話於莊莊擬之云云即大拜之祥也

不隨妖豔開獨媚玄

冥節

奔詩見海錄碎事

豈是爲窮常見隔只應嫌酒不

相過

贈貫休見高僧傳

卷終